

Årsmelding for 2021

Medlemstal

Ved nyttår hadde sogelaget eit totalt medlemstal på 300. Dette er ein nedgang på to medlemmar. I 2021 hadde sogelaget fem medlemmar i tilgang og 14 medlemmar i avgang.

Styret

På grunn av Korona-restriksjonar vart det ikkje halde årsmøte før den 26. august 2021. Sjå førre årsmelding for styre-samansetninga etter årsmøtet i 2020. Aktiviteten mellom årsskiftet 2020/2021 og årsmøtet takast derfor med i denne årsmeldinga. Ved årsmøtet 26. august 2021 vart styret som følgjer:

Leiar: Morten Øveraaas (på val)

Styremedlemmar: Eli Skavnes (på val)

Lars Sigmund Kleive (på val)

Tordis Sivertsen (ikkje på val)

Tore Tomren (ikkje på val)

Mellom nyttår 2021 og årsmøtet hadde hovudstyret eitt styremøte. Korona-pandemien og diverse restriksjonar gjorde det vanskeleg å halde aktivitetar. Styret hadde elles kontakt via telefon og e-mail etter behov. Fotogruppa har hatt noko aktivitet 2021, då i hovudsak arbeid med bakgrunnsinfo til digitaliserte bilete. Sjå eiga melding for aktiviteten til Skriftstyret.

Det nye styret hadde eitt møte i 2021, og har hatt to styremøte før årsmøtet i 2022. Ved det siste av desse var også valnemnda invitert. Utanom har det vore kontakt via e-mail og telefon etter behov.

Aktivitetar 2021/2022

Vår/sommar: På grunn av pandemi og restriksjonar vart aktivitetar utsett og avlyst. Dette gjaldt planlagd tur til krigsbatteriet på Øverås. Planlagd deltaking på Frivilligheitsdag utgjekk med avlysning. På grunn av restriksjonar var også årsmøtet utsett til august.

21. juni: Styret vedtok (Morten Øveraaas inhabil) å engasjere John Øveraaas som ny rekneskapsførar/økonomiansvarleg etter Hallgeir Anderson som takka av etter 25 år som rekneskapsførar for Vestnes sogelag. Anderson skal ha stor takk for sin lange og gode innsats for Vestnes sogelag.

26. august: Årsmøte vart halde på Vestnes folkebibliotek. Til saman 23 personar møtte fram. Vanlege årsmøtesaker i tillegg til innkomne saker. Per Bjørn Ellingseter foreslo å auke medlemskontingenenten og prisar på årsskriftet. Forslaget vart lagt fram av styret og endringane vart vedtatt av årsmøtet. Under eventuelt vart det nye styret oppfordra til å registrere sogelaget på Facebook, samt digitalisere eldre årsskrift og gjere desse tilgjengeleg

på internett. Etter møtet var det musikalsk innslag ved Noah Malme og Martinus Løvik heldt foredrag om Ivar Brovold.

20. oktober. Vestnes sogelag oppretta eiga heimeside på Facebook. Denne er open for alle interesserte. Per mars 2022 er det totalt 321 personar som «følgjar» sida. Aktivitetane til sogelaget har vorte publisert på denne Facebook-sida.

24. oktober. Vestnes sogelag hjalp til med å arrangere familiedag på Tresfjord museum.

16. november. Bokslepp av nytt årsskrift på Vestnes bibliotek. Presentasjonar av skriftstyret og artikkelforfattarar. Musikalske innslag ved Britt Elise Skram.

17. november. Pakkedugnad på Vestnes folkebibliotek. Styret hadde inngådd avtale med Per Bjørn Ellingseter som ordna og la til rette med nødvendig utstyr. Bøkene vart pakka og fordelt ut til medlemmane i kommunen ved hjelp av frivillige.

23. desember. Etter korrespondanse med Nasjonalbiblioteket vart alle årsskrifta fram til og med 2016 digitalisert og allment tilgjengeleg på nettsidene til Nasjonalbiblioteket. Ingen kostnader følgde med dette.

3. februar. Foredragkveld med Bjørn Austigard på Vestnes bibliotek. Omkring 100 personar møtte fram for å høre foredraget «Mitt møte med Vestnes gjennom 50 år», samt sjå filmsnutten «Trøsking med slogen på Romsdalsmuseet». Musikalske innslag ved Britt Elise Skram. Sal av bøker.

10. mars. Statusmøte for bygdeboksaka i Vestnes kommune. Saman med inviterte deltagarar og representant frå kommunen, vart det drøfta korleis arbeidet med dei ufullførte bygdebøkene kan takast opp att. Vestnes sogelag følgjer opp denne saka vidare.

Økonomi/budsjett

Resultatet for 2021 endte med eit underskot på kr. 13 438,97. Dette er tilnærma likt som resultatet for 2020, trass ekstra utgifter i samband med trykking av årsskriftet. Det vart trykt same antall bøker, men prisen hadde auka. Vidare skuldast ein del av underskotet at 95 kontingenter var ubetalte ved årsskiftet. Erfaringsmessig vil mange kontingentar betalast utover følgjande år. Som tidlegare år vil budsjettet gå med til utgifter i samband med årsskrift, samt gjennomføring av diverse arrangement.

Vestnes, 22. mars 2022

Eli Skavnes, Lars Sigmund Kleive, Tordis Sivertsen, Tore Tomren og Morten Øveraa.